



## Secziun da catschadurs Bostg

Andiast | Pigniu | Vuorz | Siat | Rueun

### Protocol dalla radunonza generala dils 11 da december 2013 allas 20:00 – 21:50 en l'aula da scola a Vuorz

#### Suprastonza

Rita Killias-Cantieni, presidenta  
Marco Tschuor, actuar  
Noah Durschei, cassier  
Benjamin Janki, cau da tgira  
Elias Casanova, responsabel da tir

Presents: 38  
Perstgisas: 13  
Absolut pli: 20

#### Tractandas

1. Beinvegni ed elecziun da dus dumbravuschs
2. Approbaziun dalla gliesta da tractandas
3. Approbaziun dil protocol dalla radunonza da primavera dils 03-05-2013 ad Andiast
4. Rapport dalla presidenta
5. Rapport dil cau da tgira / rapport dil responsabel da tir
6. Rendaquen, rapport dils revisurs ed approbaziun dil quen
7. Fixaziun dallas contribuziuns annualas
8. Informaziun motor da segar/damonda da credit
9. Orientaziun ed approbaziun dil program da lavur
10. Conclus ed orientaziun partenent midadas da statuts dalla secziun ed informaziun statuts BKPJV / consequenza per commembers libers
11. Conclus sur propostas per mauns dalla suprastonza centrala
12. Recepziun da novs commembers e mutaziuns
13. Elecziuns
14. Elecziun per ina perioda d'uffeci dad in onn dils delegai tenor art. 15 A (niev) dils statuts dil BKPJV
15. Honoraziuns
16. Varia

Tractandas/Conclus/Discussiun etc.	Responsabel
<b>Beinvegni entras il president:</b> Rita Killias-Cantieni fa a tut ils presents in cordial beinvegni.	R. Killias
<b>1. Elecziun da dus dumbravuschs</b> Per igl appel cursescha ina gliesta. Presents total ein 38 Sco dumbravuschs vegnan elegi: Kornelia Roggatz e Silvan Brunner	R. Killias
<b>2. Approbaziun dalla gliesta da tractandas</b> La gliesta da tractandas vegn approbada unanimamein.	R. Killias
<b>3. Approbaziun dil protocol dalla radunonza da primavera dils 03-05-2013 ad Andiast</b> Il protocol vegn approbaus unanimamein.	M. Tschuor
<b>4. Rapport dalla presidenta</b> Gia ils 21 da december ei la cumissiun cun ils commembers: Marco, Robert, Ignaz, Gion Fidel, Roland ed jeu seradunai per prender posiziun tier ils statuts novs dil BKPJV. Nos giavischs d'adattaziun ein vegni exequi per gronda part. El medem	R. Killias



## Secziun da catschadurs Bostg

Andiast | Pigniu | Vuorz | Siat | Rueun

mument havein nus era revediu il reglament da tir.

Ils 24 da schaner, ein las trofeas da catscha vegnidas punctadas. Quei ch'ei curdau si special, ei ha giu fetg bials camutschs: 2 aur, 2 argien, 2 bronz, ina caura bronz. Tier las tscharvas: 1 bronz, tier ils cavreuls: 1 aur e 2 bronz e tier ils capricorns: 1 buc ed 1 caura aur ed 1 buc argien.

Ils 26 da schaner havein nus astgau guder ina biala sera familiara, cun in fetg bi program e bials premis a Rueun. Era la tscheina ha gustau ella beindecorada sala. Duront quella sera havein nus giu da prender cumiau ed engraziar al cassier Gieri, cau da material Bruno Cadonau jun. e Bruno Demont, cau da tgira local. Els han prestau fetg buna lavur pil Bostg e meritau nossa renconuschientscha. David Spescha e Gion Veraguth ein vegni commenbers libers dil BKPJV. Da Gion havein nus denton gia stuiu prender cumiau in meins pli tard. Nus essan seregurdai dad el a caschun da nossa radunonza da primavera.

Ils 12 da fevrer essan stai alla radunonza regiunala II a Glion ed ils 23 da fevrer alla radunonza da presidents a Tusaun.

Ils 25 da fevrer ha Werner Degonda clamau ad ina sesida per reglar ils cunfins denter district I e II per la catscha speciala. Cheu eis ei iu principalmain per il territori denter Sursaissa, Breil e Zignau. Marco ed jeu essan stai dalla partida.

Ils 2 da mars han 8 commembers priu part al di da scolaziun dalla KOAWJ.

Ils 8 da mars sun jeu stada alla presentaziun ed informaziun cun ina revista da power point sur dalla scolaziun nova dils candidats da catscha.

Ils 18 da mars han nos candidats: Vanessa, Jago e Gian Luca reussiu gl'examen da teoria da catscha ed uonn ein els stai per l'emprema ga a catscha cun success.

Ils 23 d'avrel ein Arno, Elias ed jeu stai alla radunonza regiunala. Leu ein las secziuns reunidas Surselva vegnidas sligadas ed ils presents han priu posiziun tier las propostas inoltradas per mauns dalla delegada dil BKPJV.

Ils 3 da matg havein salvau nossa radunonza da primavera ad Andiast.

Ils 16 da matg havein astgau gratular a Gion Fidel, nies commember d'honor sils 75.

Ils 25 da matg ein 11 commembers dil Bostg stai a Scuol alla 99avla radunonza da delegai dil BKPJV. Leu ein era ils statuts novs vegni approvai. Deplorablamein era la sala aschi gronda e l'accustica aschi schliata che nus havein buca giu bia dils plaids e dil program. L'exposiziun speciala e la tscheina han fatg plascher e gustau bein.

Il medem di ha era nies commember, Curdin Veraguth giu nozzas. Nus havein gratulau ad el ed jeu engraziel als 2 commembers ch'ei stai spalier e purtau la salvgia dil Bostg als nozzadurs.

Ils 13 da fenadur han 16 commembers dil Bostg priu part dil survetsch divin funeral da nies commember Ursin Casanova. Sia mort prematura ha pertuccau nus profundamain. Ursin ei staus per nossa secziun in premurau commember ed in catschadur cun gronda pissiun. Naven dil 1991 – 1996 ha el surviu a nossa secziun sco premurau cassier. Aunc en schaner ha el giu priu part da nossa sera familiara a Rueun. Jeu supplicheschel da sesalzar per in cuort memento per il



## Secziun da catschadurs Bostg

Andiast | Pigniu | Vuorz | Siat | Rueun

trapassau.

Il 4 d'ost, in di da bellezza, havein giu nies survetsch divin a Munt s. Gieri, cun integraziun dill batten da Lilli Alice Cadonau. Ferm 100 personas ein stadas presentas. Il plevon ser Daniel Bolliger e sur Giusep Venzin han celebrau in bi e dign survetsch divin ch'ei vegnius accumpignaus da 5 musicants. Jeu engraziel ad Urban e ses cumpogns persunter. Quella fuorma da survetsch divin ha giu in bien eco tier ils participonts. Engraziar less jeu era a Robert e Remo per la biala decoraziun ed als Brunos per il transport dil material o Munt s. Gieri e lu pli tard si Tschess. Uonn havein era giu tarmess in invit allas secziuns Greina, Tödi, Mundaun, Vorab e Tumpiv. Ed aunc zatgei ei stau niev. Nus havein saviu inaugurar nossa tenda nova ed era en quell'aura eis ella stada pli che d'engrau.

Il 8 d'ost havein preparau il stan da sittar a Tschèss ed il 10 ha nies tir intern giu liug.

La suprastonza ha giu empau in onn pli special. Nies cassier Noah ei staus duront 3 meins ell'Asia ed il cau da tgira Benjamin in meins en Canada. Aschia ha ei giu num da reparter las lavurs duront quei temps sils 3 commembers restonts. Nus essan sentupai 6 ga per dilucidar nos pensums e preparar las activitads da nossa secziun.

Sche s. Pieder fuss era aunc staus beinvulents cun nus, fuss quei iu detg stupent. Mo eba...Gia la tgira da primavera ei curdada muort in detg tatsch neiv. Tier quella da stad essan nus vegni bugnai pulitamain e tier l'emprema d'atun ein il 4 curaschus che han buca temiu l'aura, vegni schai a miez liug da nies motor da segar. El leva semplamein mo ir anavos. E seghei vus inaga anavos. Mo nus havein lu nuota dau si aschi spert ed essan i a Casets a tagliar or pignola. Tier il secund termin ha ei puspei giu in tatsch neiv e finalmain tier il tierz termin eis ei gartegiau.

Avon catscha ha Daniel Hunger confruntau mei cun il giavisch da signalisar meglier la zona da ruas da Con Ault. El haveva giu endament cun Kornelia Roggatz e lezza haveva skizzau ina proposta e tschentau ensemen il cuosts che seresultan. La suprastonza ha beneventau quell'idea, ha denton giu resalvas partenent surprendre il cuosts da ferm frs. 700.--. Quei savessi dar in cass da pregiudezi. En discuors cun nies guardiacatscha, cun Marco Casanova e Benjamin, hai jeu fatg la damonda alla vischnaunca d'Andiast, da surprendre il cuosts en caussa e survegniu risposta positiva. Kornelia e Corsin ein immediat semess alla lavur e preparau la signalisaziun per canalisar meglier il trapass dalla zona. Miez december vegnan els lu a montar a fin la signalisaziun. Quei, seigi lur contribuziun alla tgira. Engraziel fetg persunter. Kornelia ha dil reminent era tagliau ora il trutg da Con Ault ed il trutg da cauras. Era per quella buna lavur cordial engraziament.

Da nies discors cun dr. Brosi, sgr. Jenny, Werner Degonda ed Arnold Caminada hai jeu rapportau la primavera.

Suenter la catscha 2013, ha gl'uffeci survegniu aunc inaga ina brev culs arguments e las resalvas che nossa secziun haveva deponiu a Cuera. Ed jeu hai giu l'impressiun, che tut ensemen hagi giu in cert effect positiv, surtut cu nus havein survegniu la brev oranscha avon catscha speciala. Tochen il 22 da november ei quella catscha ida ruasseivel en tuts graus. Paucs catschadurs jasters, mo igl ei era vegniu sittau paucs animals. Cun la fin dalla catscha el 2.1 ed a Sursaiassa, havein nus puspei giu in augment dil turissem da catscha. Jeu hai giu plirs telefons da catschadurs malcontentes. Perquei hai jeu era telefonau pliras ga cun Arnold Caminada ed el ei era staus presents ed ha viu la situaziun.



## Secziun da catschadurs Bostg

Andiast | Pigniu | Vuorz | Siat | Rueun

Il 7 da november ha la survigilanza fatg la dumbraziun da camutschs. Igl ei vegniu registrau in bufatg augment visavi gl'onn vargau, da total 254 sin 285.

Il 28 da november ha la radunanza dil district da tgira Il giu liug a Schluein. Leu ei il sboz dils statuts novs dil district Il vegnius presentaus. Benjamin ed jeu essan vegni incaricai d'encurir glied per la suprastanza. Ord las 8 secziuns duess ei esser pusseivel da tsherner ina suprastanza, senza stuer eleger dapli ch'ina persuna per secziun.

Il 10 da december ha la davosa radunanza dallas Secziuns reunidas dalla Surselva JSRS giu liug a Glion e quei suentar 24 onns d'existenza. Il guardiaselvaschinas: Werner Degonda ed Arnold Caminada han presentau a moda detagliada ed interessanta il svilup dalla catscha dils davos onns. En Surselva ei vegniu registrau mo 6,6 % animals cun ina schliata constituziun. Egl entir cantun sesaulza quella sin 21 %. La catscha 2013, cun dabia bial'aura e bia pavel ha purtau in success da catscha mediocher.

Egl areal 2.1 e 2.2 ei vegniu sittau 295 tscharvas avon la catscha speciala q.v.d. 151 taur e 144 vaccas.

169 bucs cavriel e 126 cauras e 4 anseuls.

172 camutschs e 158 cauras camutsch.

Per donns da selvaschina ei vegniu pagau frs. 404.--

Jeu fineschel miu rapport cun exprimer in grond e resentiu engraziament a mes consuprastonts per la buna collaboraziun ed a tuttas e tuts che s'engaschan e segidan duront gl'entir onn ora. Per il prosperar d'ina secziun drov'ei gl'engaschi da tuts.

### 5. Rapport dil cau da tgira

Benjamin Janki dat in sguard anavos sigl onn passau e numna si las lavurs ch'ei vegnidadas exequidas entras las secziun Bostg ed ils candidats.

- schubergiar reflecturs
- schurmetg digl ansiel cavriel
- fabricar e montar tablas da tgaun
- tgira da stad (Palischauna, 18-07-2013)
- tgira d'atun (Prau Selvin, 05-10-2013)
- tgira d'atun (Plaun Darschina, 19-10-2013)

Cunquei ch'ei ha dau neiv la primavera ha la tgira stuiu vegnir spustada sin igl atun 2013.

Il recav da tgira 2013 munta a frs 709.00.

Candidats 2014/2015 -> Dario Dietrich e Cedric Spescha

La suprastanza ha presentau als commembers certas midadas tier la tgira. Aschia fuss ei previu da far ina tgira comunabla e las ulteriuras tginas mintgamai el vitg, organisadas dils caus da tgira locals.

Clemens Cavigelli ei dil meini che la cumpignia denter ils catschadurs va aschia a piarder.

Armin Cadalbert propona da far duas tginas comunablas ed ina tgira che mintga cau da tgira local meina atras el vitg.

Daniel Hunger gi che la secziun Bostg fageva inagada bia uras da tgira e che quei

B. Janki  
E. Casanova



## Secziun da catschadurs Bostg

Andiast | Pigniu | Vuorz | Siat | Rueun

ha priu giu il davos temps. Ei fuss meglier da vinavon far tginas comunablas.

Ei vegn decidiu da vinavon far duas tginas comunablas ed eventualmein ina tgira locala en mintga vitg. Benjamin Janki vegn ad organisar las tginas cun ils caus da tgira locas en la sesida dils 28-02-2014.

### Rapport dil cau da material e responsabel da tir

Uonn ei plitost stau in onn ruasseivel, igl ei stau da far neginas lavurs pli spezialas vid il stan da sittar, auter che las usitadas preperativas pil tir. A quei tir dils 11 d' uost han 34 tiradurs priu part d'in gi da bial'aura. In grond engraziament aunc inaga a tut quels che han segidau, seigi quei da baghegiar si il stan ni era il gi da tir.

Duront la tgira d'atun havein giu intec discletg cun nies motor da segar. Informaziuns pli detegliadas tier il motor da segar ed ina damonda da credit per cumprar dus plumatschs da sittar suondan sut tractanda 8.

### 6. Rendaquen, rapport dils revisurs ed approbaziun dil quen

Noah Durschei informescha en caussa finanzas dalla secziun Bostg. Tiel tir intern 2013 ha ei dau in recav da frs 722.10 e tiel survetsch divin a Munt s. Gieri ha ei dau in recav da frs 495.75.

#### Bilanza 2013

Cassa	460.00
Conto postal 70-9029-0	5'734.41
Conto deposito 90-166462-0	3'092.50
Conto Banca Raiffeisen 17664.29	16'395.30
Total	25'682.21
Facultad 30.11.2013	25'682.21
Facultad 30.11.2012	25'217.00
Avanzament dalla facultad	465.21

### Rapport da revisiun dil quen anual 2013

Tenor incumbensa sco revisurs da quen havein nus revidiu il quen annual 2013 dalla secziun Bostg.

Il quen ei vegnius presentaus dil cassier Noah Durschei tut en uorden e transparents. Tut las quittanzas ein avon maun e corrispundan allas cudischaziuns.

Sin fundament da quei proponin nus alla radunonza d'aprobar il quen 2013 dalla secziun Bostg e da dar scarica al cassier ed alla suprastonza. Nus engraziein al cassier Noah Durschei ed alla suprastonza per la gronda lavur en favur dalla secziun.

Vuorz, ils 7 da december 2013

Ils revisurs da quen

Tuor Damian, Cavigelli Lothar

### Approbaziun dil quen

Il quen vegn approbaus unanimamein.

N. Durschei



## Secziun da catschadurs Bostg

Andiast | Pigniu | Vuorz | Siat | Rueun

<p><b>7. Fixaziun dallas contribuziuns annualas</b> Neginas midadas.</p>	R. Killias
<p><b>8. Informaziun motor da segar/damonda da credit</b> Dalla tgira d'atun 2013 ha il motor da segar buca pli vuliu sco planisau, quei stoda gir ei semplamein ruts giu, tgei impertinza ;-).</p> <p>Elias Casanova ha mirau cul mecanist tgei ch'ei prudent da far. Tenor Elias fa ei pauc senn da prender e pinar il motor. Aschia propona el alla radunonza da cumprar in niev motor per circa frs 2'000 – 2'500.</p> <p>Gion Fidel Spescha ei dil meini da cumprar enzatgei endretg e fa la proposta da dar in credit da frs 5'000, era Gion Giacun Spescha ei dil medem meini.</p> <p>Da quei avis ei era Ignaz Spescha, il motor vegl veva semplamein memia pauca forza.</p> <p>Armin Cadalbert damonda sch'ins ha fatg ponderaziuns nua ch'ins vul deponer il motor. Elias Casanova gi ch'il motor sa vegnir deponius tier el.</p> <p>Ei vegn approbau unanimamein in credit da frs 5'000 per in motor da segar.</p> <p>In ulteriur credit da frs 170 per 2 plumatschs pil stan da sittar vegn medemamein approbaus unanimamein.</p>	E. Casanova
<p><b>9. Orientaziun ed approbaziun dil program da lavur 2014</b> 25-01-2014 Sera familiara dalla secziun Bostg a Vuorz</p> <p>22-02-2014 Conferenza da presidents dallas secziuns "BKPJV" a Tusaun</p> <p>28-02-2014 Sesida dalla cumissiun da tgira dalla secziun Bostg</p> <p>Ils termins dallas tginas vegnan fixai alla sesida dils 28-02-2014</p> <p>Avrel Dumbraziun da tscharvas</p> <p>02-05-2014 Radunonza da primavera dalla secziun Bostg a Siat</p> <p>24-05-2014 Radunonza da delegai dil BKPJV a Tavau</p> <p>27-07-2014 Survetsch divin campester a Munt s. Gieri (Vuorz)</p> <p>09-08-2014 Tir intern dalla secziun Bostg a Plaun da Tschéss (Andiast)</p> <p>November</p>	R. Killias



## Secziun da catschadurs Bostg

Andiast | Pigniu | Vuorz | Siat | Rueun

<p>Dumbraziun da camutschs</p> <p>12-12-2014</p> <p>Radunonza generala dalla secziun Bostg ad Andiast</p> <p>Il program da lavur 2014 vegn approbaus unanimamein.</p>									
<p><b>10. Conclus ed orientaziun partenent midadas da statuts dalla secziun ed informaziun statuts BKPJV / conseguenza per commembers libers</b></p> <p>Rita Killias informescha ils presents pertuccont las midadas dils status.</p> <p>La suprastonza dil Bostg vegn a far las midadas necessarias e presenta quellas alla radunonza da primavera 2014 per l'approbaziun.</p>	R. Killias								
<p><b>11. Conclus sur propostas per mauns dalla suprastonza centrala</b></p> <p>Neginas propostas</p>	R. Killias								
<p><b>12. Recepziun da novs commembers e mutaziuns</b></p> <p><u>Mortori</u> Ursin Casanova</p> <p><u>Entradas A</u> Gian Luca Dermont</p> <p><u>Extradas</u> Fabian Hunger</p> <p><u>Candidats</u> Dario Dietrich Erich Guido Frei Cedric Spescha</p> <p><u>Stan actual</u></p> <table><tr><td>Commembers A</td><td>84</td></tr><tr><td>Commembers B</td><td>13</td></tr><tr><td>Candidats</td><td>3</td></tr><tr><td><b>Total</b></td><td><b>100</b></td></tr></table>	Commembers A	84	Commembers B	13	Candidats	3	<b>Total</b>	<b>100</b>	M. Tschuor
Commembers A	84								
Commembers B	13								
Candidats	3								
<b>Total</b>	<b>100</b>								
<p><b>13. Elecziuns</b></p> <p>Rita Killias informescha che nies cassier Noah Durschei vegn ad ir naven dil fenadur/uost 2014 per in onn egl exteriur. Aschia eis ei da prender ed encurir in niev cassier. La suprastonza ha gia priu si contact cun plirs commembers dalla secziun, denton senza grond success.</p> <p>Era sin la damonda sch'enzatgi dils presents ha mustgas da surprender il post da cassier ei il resun zun maghers.</p> <p>Aschia va la tscherca vinavon, sil pli tard tier la radunonza da primavera 2014 eis ei d'eleger in niev cassier.</p> <p>Rita Killias gi che mintga commember duei far ses patratgs, sche quei fuss forza enzatgei per el.</p>	R. Killias								



## Secziun da catschadurs Bostg

Andiast | Pigniu | Vuorz | Siat | Rueun

### 14. Elecziun per ina perioda d'uffeci dad in onn dils delegai tenor art. 15 A (niev) dils statuts dil BKPJV

Elias Casanova propona Silvan Brunner, il qual ei prompts da suprender igl uffeci

Ei vegn era dumandau Vanessa Veraguth, era Vanessa ei prompta da surpender tal uffeci.

Silvan Brunner e Vanessa Veraguth vegnan elegi unanimamein.

R. Killias

### 15. Honoraziuns

Neginas

R. Killias

### 16. Varia

Rita Killias dat vinavon las suandontas informaziuns:

Gliendisdis vargau ein las catschaduras dil Jägerinnenstamm sentupadas cun dr. Brosi per ina informaziun pertuccont l'iniziativa encunter la catscha d'atun e leutier sai jeu informar sco suonda:

La regenza ha schau sclarir, sche quell'iniziativa cuntegni passus che cunterfetschien alla lescha federala.

Il Cussegl grond vegn a discussiunar quella en lur sessiun digl uost 2014 e decider en caussa. Forsa vegn ei era a dar ina cunterproposta.

Ina votaziun en caussa vegn tut tenor a succeder el 2015.

Quei ch'ei era aunc da dir ei che la catscha grischuna sespleiga fetg intensiv enteifer maximal 30 dis. Malgrad la catscha dil settember e la catscha supplementara s'augmenta il diember da tscharvas mintg'onn per 1/3 dil diember da primavera. Co eis ei lu pusseivel da reducir il diember da tscharvas enteifer quels 25 dis, sco l'iniziativa pretenda – sai jeu buc.

Nus havein denton era priu la caschun d'informar el inaga dapli sur dalla catscha d'atun sin gl'intschess dil Bostg.

Era uonn organischescha la meisa rodonda dallas catschaduras in referat a Cuera. Quella ga vulein nus empruvar in'autra fuorma. Perquei ha quel liug venderdis, ils 28-2-2014, allas 19.30 h el B 12 a Cuera. Prof dr. Klaus Robin, Uznach vegn a referir sur dalla tscharva (Rotwild).

Ils 22 da mars ei la fiera da pials a Tusaun.

Clemens Cavigelli damonda Daniel Hunger tgei effect chei ha giu dat arver/catschar ora ils asils avon/duront la catsch'aulta 2013. Daniel Hunger gi ch'igl ei vegniu sittau a Valledras (214) 3 tscharvas. A Ladril (211) ha il catschar ora igl asil avon catscha purtau empau dapli, leu ei vegniu sittau tscharvas.

Robert Veraguth manegia buca ch'igl ei vegniu sittau aschi bia tscharvas. La survigilanza duess catschar ora igl asil duront la pausa da catscha e buca mo avon che la catscha entscheiva.

Clemens Cavigelli ei dil meini ch'ins sto far zatgei, oravontut era perquei ch'ina iniziativa pertuccont la catscha d'atun ei sin meisa.

Ignaz Spescha manegia ch'ei fuss dat arver ils asils. Biaras tscharvas ein els asils e quels vegnan pertgirai ora dils catschadurs, aschia che las tscharvas han

R. Killias





## Secziun da catschadurs Bostg

Andiast | Pigniu | Vuorz | Siat | Rueun

bunamein gnanc la pusseivladad da vegnir ora da tals.

Daniel Hunger gi ch'ei fuss falliu dat arver ni far memia grondas midadas vid ils asils. Igl emprem onn suenter la midada vegn sittau pulit, mo silsuenter sentan las tscharvas las midadas ed ei vegn sittau pauc tochen nuot.

Robert Veraguth gi ch'igl ei buca bien che la catscha d'atun vegn buca aviarta ella regiun dapertut il medem temps. Aschia ei il turissem da catscha programaus. Avon in onn ha la secziun Bostg priu e scret e giu ina sesida cugl uffeci da catscha e pesca pertuccont l'organisaziun dalla catscha d'atun, mo purtau ha quei ei nuot.

Ignaz Spescha gi ch'igl ei semplamein falliu da tertgar sch'ei ha biars catschadurs en in contuorn ch'ei vegniu sittau bia tscharvas.

Daniel Hunger appellescha che mintgin duei far patratgs nua e co ir a catscha. Ils catschadurs fan per gronda part era empaglia in a l'auter la catscha.

Roland Vincenz damonda daco ch'il cantun (uffeci da catscha e pesca) promova perquei bunamein il turissem da catscha cun vuler concentrar la catscha d'atun.

Daniel Hunger gi che cun arver sco emprem la catscha mo en la Lumnezia ei vigniu sittau in bien ton tscharvas leu. Sche l'aura fuss stada meglia per la catscha havess ins mo giu da sittar 14 tscharvas sigl intschess dil Bostg.

Robert Veraguth damonda sch'ei vegn aunc inagada priu si contact cugl uffeci da catscha e pesca.

Rita Killias gi ch'ella ha giu plirs telefons da catschadurs ch'ei buca cuntents cun la catscha d'atun e ch'ella ha telefonau pliras gadas cugl Arnold Caminada.

Norbert Dermont damonda sch'ei fuss bien da prender ed organisar ch'igl Arnold Caminda vegness e presentas inagada las cefras nua ch'igl ei vegniu sittau tscharvas duront la catscha d'atun.

Rita Killias manegia che quei ei ina buna idea. Forza sansa mirar d'organisar quei cun la radunonza da primavera 2014.

Daniel Hunger gi a Benjamin Janki ch'igl ei exnum da prender e pinar las purteglas giu Pardiala e quei entochen l'entschatta primavera, avon che la biestga ei leu. Schglioc sa ei capitar che la biestga va sin las rodaglias dalla viafier.

A Kornelia Roggatz e Corsin Spescha engrazia Daniel Hunger per la fetg buna lavur vid la signalisaziun dalla zona da ruaus a Cont ault.

Rita siara la radunonza, engrazia a tuts presents, giavischa in bi temps d'advent e bialas fiastas da Nadal.